

22.02.2019թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ՈՐՈՇՈՒՄ թիվ 002053/04

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ պետական եկամուտների կոմիտեի իրավաբանական վարչության պետ Ա. Մնացականյանս, քննելով վարչական իրավախախտման վերաբերյալ թիվ 2053 գործը և ուսումնասիրելով վարչական իրավախախտման վերաբերյալ 22.02.2019թ. 2053 արձանագրությունը,

ՊԱՐԶԵՑԻ

Համաձայն ՀՀ պետական եկամուտների կոմիտեի օպերատիվ հետախուզության վարչության 28.12.2018թ. թիվ 3100488 ակտի <<Օ ՄԵՐՍԻ>> ՍՊԸ-ի (ՀՎՀՀ 01281491) տնօրեն Մարինե Սիմոնյանը (հասցե՝ ք. Երևան Անդրանիկի փ. 154 12) առանց ՀՀ օրենսդրությամբ նախատեսված աշխատանքի ընդունման պահանջները բավարարող աշխատանքային պայմանագրի կնքման պահել է 1 (մեկ) վարձու աշխատող:

Մարինե Սիմոնյանի կողմից վերջին մեկ տարվա ընթացքում նման իրավախախտում չի կատարվել, ուստի կատարված իրավախախտման համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169<sup>5</sup> հոդվածի 1-ին մասով:

Կողմը պատշաճ ծանուցված լինելով արձանագրության կազմման, գործի քննության վայրի և ժամանակի մասին, ներկայացել է և հայտնել է, որ համաձայն չէ ՀՀ պետական եկամուտների կոմիտեի օպերատիվ հետախուզության վարչության 28.12.2018թ. թիվ 3100488 ակտի հետ, քանի որ 08.11.2018թ-ին չի ունեցել ՀՀ հարկային օրենսգրքով սահմանված կարգով չձևակերպված վարձու աշխատող և հետևաբար ենթակա չէ վարչական պատասխանատվության:

Վարչական վարույթի ընթացքում Մարինե Սիմոնյանի կողմից նշված հանգամանքը հավաստող փաստեր չեն ներկայացվել և օրենքով սահմանված հիմքեր առկա չեն կողմին վարչական պատասխանատվությունից ազատելու համար:

Իրավախախտումը արձանագրվել է ՀՀ պետական եկամուտների կոմիտեի ՕՀՎ 28.12.2018թ. թիվ 3100488 ակտով, որը օրենքով սահմանված կարգով չի բողոքարկվել և համարվում է ուժի մեջ գտնվող վարչական ակտ:

Հաշվի առնելով վերոգրյալը և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 43-րդ հոդվածի <<ա>> կետով, այն է՝ անձի և վարչական մարմնի փոխհարաբերություններում ապացուցման պարտականությունը կրում է անձը՝ նրա համար բարենպաստ փաստական հանգամանքների առկայության դեպքում, ուստի ղեկավարվելով վարչական իրավախախտումների վերաբերյալ ՀՀ օրենսգրքի 169<sup>5</sup> հոդվածի 1-ին մասով, 32-րդ հոդվածի 2-րդ մասով, 244<sup>2</sup>, 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169<sup>5</sup> հոդվածի 1-ին մասի՝ Մարինե Սիմոնյանի նկատմամբ կիրառել վարչական տույժ՝ նշանակել տուգանք 50.000 դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա.ՄՆԱՑԱԿԱՆՅԱՆ